

STARFSLEYFI

Lýsi hf.

Heitloftspurrkun fiskafurða

v/fiskpurrrunar Unubakka 24-26, fastanr. F2212857

v/pökkunar Óseyrarbraut 22, fastanr. F2212619

815 Þorlákshöfn

Nafn og kt. rekstraraðila: Lýsi hf., kt. 440269 5089

Heimilisfang: Fiskislóð 5-9, 101 Reykjavík

Útgáfudagur: 1. júlí 2018

Gildir til: 30. júní 2019

Starfsleyfi þetta er gefið út skv. ákvæðum laga nr. 7/1998 um hollustuhætti og mengunarvarnir með síðari breytingum, laga nr. 93/1995 um matvæli msbr., þegar um matvæli er að ræða og efnalaga nr. 61/2013 eftir því sem við á. Leyfishafi skal hlíta ákvæðum annarra laga og reglugerða settum skv. þeim sem um starfsemina kunna að gilda.

Leyfið er einnig gefið út með neðangreindum starfsleyfisskilyrðum:

Fyrir Lýsi hf. v/fiskpurrrunar og pökkunar

dags. 29. júní 2018

Fyrirhugaðar breytingar á húsnæði, framleiðslu eða rekstri skulu gerðar í samráði við Heilbrigðiseftirlit Suðurlands. Við flutning eða eigendaskipti fellur starfsleyfið úr gildi, nema að nýr rekstraraðili sæki um að leyfið færist yfir á hans nafn. Ef fyrirtækið hættir rekstri skal það tilkynnast með formlegum hætti til Heilbrigðiseftirlits Suðurlands og fellur starfsleyfið þá úr gildi.

Framsal þessa leyfis er óheimilt. Skylt er að framvísa starfsleyfisskilyrðum þegar opinber eftirlitsaðili óskar þess.

Starfsleyfið skal hanga uppi á áberandi stað.

Starfsleyfið er gefið út til **eins árs** en heimilt er að endurskoða það ef breytingar verða á starfsemi, rekstri eða staðsetningu að mati útgefanda.

Starfsleyfishafi skal greiða starfsleyfis- og eftirlitsgjöld skv. gildandi gjaldskrá.

Heilbrigðiseftirlit Suðurlands

Austurvegi 65, 800 Selfoss kt. 480284 0549 Sími 480 8250

Selfossi, 29. júní 2018

Sigrún Guðmundsdóttir

framkvæmdastjóri



STARFSLEYFISSKILYRÐI

Lýsi hf.

**v/fiskþurrkunar Unubakka 24-26 og
pökkunar Óseyrarbraut 22
815 Þorlákshöfn**

kt. 440269 – 5089

**Fiskislóð 5-9
101 Reykjavík**

1. ALMENN ÁKVÆÐI, MARKMIÐ OG GILDISSVIÐ

- 1.1 Starfsleyfisaskilyrði þessi eru gefin út af Heilbrigðiseftirlit Suðurlands í samræmi við ákvæði laga nr. 7/1998 um hollustuhætti og mengunarvarnir og reglugerðar nr. 550/2018 um losun frá atvinnurekstri og mengunarvarnareftirlit.

Eintak af starfsleyfi og starfsleyfisaskilyrðum skal ávallt vera tiltækt á vinnustað.
- 1.2 Starfsleyfishafi ber ábyrgð á rekstri fyrirtækis síns og er skyld að fara eftir lögum og reglugerðum sem um starfsemina gilda og eftir því sem nánar er fyrirmælt í starfsleyfisaskilyrðum þessum.
- 1.3 Heilbrigðiseftirlit Suðurlands hefur eftirlit með ofangreindri starfsemi starfsleyfishafa samkvæmt ákvæðum laga nr. 7/1998 um hollustuhætti og mengunarvarnir m.s.br. og ákvæðum reglugerðar nr. 550/2018 um losun frá atvinnurekstri og mengunarvarnareftirlit.
- 1.4 Markmið starfsleyfisaskilyrða þessara er að koma í veg fyrir mengun og stuðla að hollustu og hreinu umhverfi.
- 1.5 Starfsleyfisaskilyrði þessi gilda fyrir heitloftsþurrkun fiskafurða og pökkun þeirra á ofangreindum starfsstöðvum fyrirtækisins.

Leyfilegt er að framleiða úr allt að 40 tonnum af hráefni á sólarhring. Engin vinnsla skal vera í verksmiðunni tímabilið 1. júlí til 31. ágúst ár hvert á gildistíma starfsleyfisins.

Ef starfsleyfishafi er með annan starfsleyfisaskyldan rekstur samhliða ofangreindri starfsemi gilda um hann viðeigandi starfsleyfisaskilyrði.



- 1.6 Starfsleyfi skal endurskoða ef í ljós kemur að mengun af völdum starfseminnar er meiri eða önnur en búast mátti við þegar leyfið var gefið út, ef breyting verður á rekstri fyrirtækisins, ef breytingar verða á bestu aðgengilegu tækni sem leiða til betri mengunarvarna eða ef nýjar reglur um mengunarvarnir taka gildi.

Með mengun er átt við það þegar örverur, efni og efнасambönd og eðlisfræðilegir þættir valda óæskilegum og/eða skaðlegum áhrifum á heilsufar almennings, röskun lífríkis eða óhreinkun lofts, láðs eða lagar. Mengun tekur einnig til ólyktar, hávaða, titrings, geislunar og varmaflæðis.
- 1.7 Starfsleyfishafi skal veita Heilbrigðiseftirliti Suðurlands upplýsingar um fyrirhugaðar breytingar á starfseminni með góðum fyrirvara áður en í þær er ráðist. Sé um að ræða meiriháttar breytingu á rekstrinum eða breytingu sem gæti leitt til aukinnar mengunar að mati Heilbrigðiseftirlits Suðurlands, ber rekstraraðila að sækja um starfsleyfi að nýju.
- 1.8 Starfsleyfið ásamt starfsleyfisskilyrðum fellur úr gildi ef starfsemin skiptir um eigendur eða húsnæði. Tilkynna skal heilbrigðiseftirliti ef starfsemin er lögð niður eða eigendaskipti verða.
- 1.9 Starfsleyfishafa er skylt að gera nauðsynlegar ráðstafanir til að fyrirbyggja mengun þegar rekstur er stöðvaður tímabundið og koma athafnasvæði fyrirtækisins í viðunandi horf, að mati heilbrigðiseftirlits, þegar rekstur er endanlega stöðvaður og starfsemin lögð niður.
- 1.10 Um varnir gegn skaðlegum áhrifum á starfsmenn og starfsumhverfi fer samkvæmt lögum nr. 46/1988 um aðbúnað, hollustuhætti og öryggi á vinnustöðum.

2. FERSKLEIKI OG MEÐFERÐ HRÁEFNIS TIL VINNSLU

- 2.1 Allt hráefni til vinnslu skal vera ferskt og koma til fyrirtækisins ísað í heilum körum eða ílátum með tryggni yfirbreiðslu. Flutningstæki sem notuð eru til flutnings á hráefni til fyrirtækisins skulu vera vökvaheld og yfirbyggð.
- 2.2 Ferskleiki hráefnis skal metin daglega með skynmati og niðurstöður þess skráðar í innra eftirlit fyrirtækisins. TVN-gildi (Total Volatile Nitrogen) hráefnisins skal jafnframt mælt reglulega og skal að jafnaði vera undir 50mg N/100g.
- 2.3 Allt hráefni skal geymt í kældu rými og skal stærð rýmisins taka mið af umfangi starfseminnar. Hitastig í hráfnisgeymslu skal ekki fara yfir 4°C og skal skrá hitastig hráefnis daglega í innra eftirlit fyrirtækisins.
- 2.4 Hráfnisgeymslur skulu vera þéttar og skal allur vökví frá hráefni fara um fitugildru áður en honum er veitt í fráveitu. Strax og hráfnisgeymsla hefur verið tæmd skal hún þrífín á fullnægjandi hátt.
- 2.5 Óheimilt er að geyma hráefni sem ætlað er til vinnslu, endurvinnslu eða endurnýtingu utandyra.
- 2.6 Hráefni skal tekið til vinnslu svo fljótt sem auðið er og unnið innan fjögurra daga frá móttöku þess. Hráefni sem ekki næst að vinna innan framangreindra tímamarka skal meðhöndlað í samræmi við gr. 4.5 – 4.9.



3. UMHVERFI

- 3.1 Við reksturinn skal leitast við að draga úr álagi á umhverfið. Starfsleyfishafi skal setja sér umhverfismarkmið og starfa samkvæmt þeim og skipuleggja orku- og efnanotkun á sem vistvænastan hátt.
- 3.2 Starfsleyfishafi getur valið að vinna eftir umhverfisstjórnunarkerfi, kjósi hann það. Velja má staðlað umhverfisstjórnunarkerfi, t.d. ISO 14001, eða þátttöku í umhverfisstjórnunarkerfi ESB, sbr. reglugerð nr. 344/2013 um frjálsa þátttöku fyrirtækja og stofnana í umhverfisstjórnunarkerfi Evrópusambandsins (EMAS).
- 3.3 Starfsleyfishafi er skylt að sjá um að á umráðasvæði fyrirtækisins sé gætt fyllsta hreinlætis og halda skal húsnæði og lóð snyrtilegu. Allar vélar og tæki, hráefni og annað það er starfseminni tilheyrir, þ.m.t. sorpgeymslur, skal vistað innan lóðar fyrirtækisins og þannig frá því gengið að ekki valdi óþrifum eða óþægindum fyrir umhverfið eða nágranna og eftir atvikum takmarka aðgengi og/eða byrgja innsýn á svæðið, t.d. með skjólgirðingu, jarðvegs- eða gróðurmön. Komið skal í veg fyrir að úrgangur og/eða annað sem ekki tilheyrir starfseminni safnist fyrir á lóð fyrirtækisins.

4. MENGUNARVARNIR

- 4.1 Starfsleyfishafi skal eins og kostur er fyrirbyggja eða draga úr mengun lofts, láðs og/eða lagar sem kann að stafa frá starfsemi fyrirtækisins með viðeigandi aðferðum og mengunarvarnarbúnaði. Starfsleyfishafi skal beita samþættum mengunarvörnum þar sem það á við, svo að ráðstafanir til að draga úr mengun í einum viðtaka valdi ekki eða auki mengun í öðrum. Beita skal bestu aðgengilegu tækni (BAT) við mengunarvarnir, eins og þær eru skilgreindar á hverjum tíma.
- 4.2 Eftir því sem við á skal athafnasvæði fyrirtækisins eða hlutar þess lagt vökvaheldu yfirborði með niðurföllum tengdum við viðeigandi mengunarvarnarbúnað, sbr. gr. 4.17. Aðkeyrslur og athafnasvæði við vinnsluhús skal vera lagt olíu- og fituþolnu steinsteypu eða bundnu slitlagi með niðurföllum tengdum við olíuskilju. Í niðurföllum utandyra þar sem hráefni er meðhöndlað skulu vera ristar og/eða körfur til að koma í veg fyrir að fastur úrgangur komist í fráveitu.
- 4.3 Þvottur véla- og vélarhluta skal fara fram á olíuheldu plani með afrennsli um olíuskilju eða í þar til gerðum þvottavélum með lokuðu kerfi. Fyrirtækið skal ávallt leitast við að velja sem minnst mengandi aðferð til vélaþvotta, t.a.m. með notkun umhverfisvottaðra hreinsiefna.
- 4.4 Starfsleyfishafi skal setja sér reglur um viðbrögð við mengunaróhöppum. Verði óhapp eða slys sem hefur í för með sér losun mengandi efna, hvort sem er í loft, jarðveg eða fráveitu, skal tafarlaust grípa til viðeigandi aðgerða skv. viðbragðsáætlun til þess að fyrirbyggja frekari mengun og/eða slys og takmarka mögulegan skaða með hreinsun. Tilkynna skal eftirlitsaðila um slík atvik svo fljótt sem auðið er. Ef um er að ræða stærra mengunarslys sem starfsmenn ráða ekki við eða hættu á bráðamengun skal gera slökkviliði og öðrum viðbragðsaðilum viðvart um neyðarsíma 112, sbr. gr. 4.18.

Úrgangur

- 4.5 Við meðferð úrgangs skal fara að ákvæðum reglugerðar nr. 737/2003 um meðhöndlun úrgangs m.s.br., reglugerðar nr. 1078/2015 um endurnýtingu úrgangs og reglugerðar nr. 806/1999 um spilliefni eftir því sem við á. Stefnt skal að fullnýtingu hráefna og með hreinni framleiðslutækni skal stuðla að endurnýtingu og endurvinnslu úrgangs eins og kostur er.



- 4.6 Úrgang skal flokka eftir því sem tök eru á til endurvinnslu eða endurnýtingar. Á sorpgámum og ílátum fyrir flokkaðan úrgang skulu vera skýrar merkingar um hvaða úrgangur má fara í viðkomandi gám eða ílát. Úrgang sem flokkast sem spilliefni, sbr. reglugerð nr. 1040/2016 um skrá yfir úrgang og mat á hættulegum eiginleikum úrgangs, skal geyma í aðskildum ílátum og merkja sérstaklega. Hvorki má blanda úrgangi sem flokkast sem spilliefni við annan úrgang né blanda saman mismunandi tegundum úrgangs sem flokkast sem spilliefni.
- 4.7 Um meðferð og geymslu olíuúrgangs fer skv. reglugerð nr. 809/1999 um olíuúrgang, m.s.br. Olíuúrgang skal geyma á viðeigandi hátt og skila til viðurkenndrar söfnunar- eða móttökustöðvar. Óheimilt er að losa olíuúrgang í yfirborðsvatn, grunnvatn, sjó, jarðveg eða fráveitu. Jafnframt er óheimilt að blanda olíuúrgangi saman við annan úrgang.
- 4.8 Sorpgámar og önnur ílát fyrir úrgang skulu vera heil og henta fyrir þann úrgang sem í þau fer og vera, eftir því sem við á, vökvaheld, lokanleg og þétt. Hindra skal aðgang meindýra, vargfugls og annarra dýra að úrgangsgeymslum. Óheimilt er að geyma fiskúrgang utandyra.
- 4.9 Öll söfnun, urðun, brennsla eða önnur meðferð úrgangs á athafnasvæði fyrirtækisins er óheimil. Úrgang skal flytja reglulega til endurvinnslu eða förgunar hjá viðurkenndum móttökuaðilum sem hafa til þess tilskilin starfsleyfi. Þegar úrgangi sem flokkast sem spilliefni er skilað til flutningsaðila eða móttökustöðvar, skal sá sem skilar úrganginum fá afhenta kvittun fyrir skilunum þar sem fram kemur nafn beggja aðila, magn og gerð spilliefnanna ásamt dagsetningu skilanna.

Meðferð hættulegra efna, þ.m.t. spilliefna

- 4.10 Starfsleyfishafi skal eins og kostur er draga úr notkun hættulegra efna og myndun spilliefna, m.a. með notkun umhverfissvottaðra staðgengilsefna, endurnýtingu eða endurhæfingu efna.
- 4.11 Geyma skal öll hættuleg efni og efnasambönd í upprunalegum umbúðum sem skulu merktar með viðeigandi varnaðarmerkjum og hættu- og varnaðarsetningum, sbr. ákvæði reglugerðar nr. 415/2014 um flokkun, merkingu og umbúðir efna og efnablandna. Slík efni skulu meðhöndluð af varúð og þess vandlega gætt að þau hvorki berist í fráveitu um niðurföll, í andrúmsloft né geti á annan hátt valdið umhverfisskaða eða heilsutjóni almennings. Starfsfólk skal hafa fullnægjandi þekkingu á eitrunarhættu og eiginleikum þeirra efna sem það vinnur með og skulu upplýsingar þar að lútandi ávallt vera tiltækar á vinnustaðnum. Öryggisblöð vegna hættulegra efna skulu vera á íslensku.
- 4.12 Um meðferð og geymslu olíu og frágang olíutanka, gastanka og álíka búnaðar fer samkvæmt reglugerð nr. 884/2017 um varnir gegn olíumengun frá starfsemi í landi. Staðsetning olíutanka og olíulagna þarf samþykki byggingarfulltrúa og heilbrigðiseftirlits. Mengist jarðvegur af olíu vegna starfseminnar er starfsleyfishafi ábyrgur fyrir því að jarðvegurinn sé meðhöndlaður í samræmi við leiðbeiningar Umhverfisstofnunar (áður Hollustuverndar ríkisins) nr. 8 frá 1998 um meðferð á olíumenguðum jarðvegi.
- 4.13 Um eftirlit með kælibúnaði og meðferð kælimiðla á kælibúnað fer skv. reglugerðum nr. 970/2013 um efni sem valda rýrnun ósonlagsins og nr. 834/2010 um flúoraðar gróðurhúsalofttegundir. Aðili sem annast viðhald og eftirlit með kæli- og frystibúnaði fyrirtækisins skal hafa til þess tilskilin leyfi, sbr. ákvæði ofangreindra reglugerða í samræmi við efnalög nr. 61/2013.



Hávaði

- 4.14 Takmarka skal hávaða frá starfseminni eins og kostur er og þess gætt að hann valdi ekki ónæði eða óþægindum í nærliggjandi umhverfi. Hávaði við lóðarmörk skal ekki fara yfir tilgreind viðmiðunarmörk fyrir hávaða frá atvinnustarfsemi, sbr. reglugerð nr. 724/2008 um hávaða.

Loft- og lyktarmengun

- 4.15 Koma skal í veg fyrir eða draga úr loftmengun frá athafnasvæði fyrirtækisins eftir því sem kostur er og þess gætt að reykur, ryk og/eða skaðlegar lofttegundir valdi hvorki óþægindum né hættu í nærliggjandi umhverfi. Þar sem nauðsyn er á loftræstingu út úr vegg skal ávallt sjá til þess að veggur og nærumhverfi haldist hreint.
- 4.16 Takmarka skal lyktarmengun frá starfseminni eins og kostur er með því að vinna ferskt hráefni og með búnaði sem eyðir lykt úr útblæstri. Tryggja skal með þrýstingsstýringu að allt loft frá vinnslusvæðum fari í lofthreinsikerfi. Afsog frá lyktaruppsprettum skal kælt, hreinsað með óson í þvotta- og þéttiturni og leitt út í gegnum reykhláf sem er ekki lægri en ein húshæð miðað við gólfhlöt verksmiðjuhúss og nærliggjandi húsa. Hraði útblásturslofts skal ekki vera minni en 20 m/s til þess að koma í veg fyrir niðurdrátt.

Fráveita

- 4.17 Fráveita skal vera í samræmi kröfur reglugerðar um fráveitur og skólp. Um fyrirkomulag og staðsetningu hreinsivirkja frárennslis skal fara samkvæmt fyrirmælum bygginganefndar og heilbrigðiseftirlits. Á fráveitu fyrirtækisins skal vera viðeigandi mengunarvarnarbúnaður í samræmi við eðli og umfang starfseminnar.
- 4.18 Fráveitulagnir frá hráfnisgeymslum, vinnusvæðum og plönum þar sem ætla má að lífrænni úrgangur falli til, skulu útbúnar með ristum/körfum í niðurföllum til að fanga fastan úrgang og fituskilju, olíuskilju, sandskilju og/eða öðrum hreinsibúnaði eftir því sem við á. Ristar og körfur í niðurföllum skulu hreinsaðar daglega en fitu- og olíuskiljur með reglubundnum hætti.
- 4.19 Aðstaða til að unnt sé að taka sýni af frárennslis frá hreinsibúnaði skal vera fyrir hendi.

5. EFTIRLIT, SKRÁNINGAR OG TILKYNNINGASKYLDAR

- 5.1 Starfsleyfishafi skal koma á innra eftirliti og skráningum í samræmi við reglugerðir, umhverfisstefnu og gæðamarkmið fyrirtækisins. M.a. skal halda skrá yfir og geyma upplýsingar og athugasemdir starfsmanna og eftirlitsaðila um;
- a. Fyrirkomulag og staðsetningu mengunarvarna fyrirtækisins og atvik er varða mengun og mengunarvarnir, s.s.:
- eftirlit, hreinsun, viðhald, bilanir og viðgerðir á mengunarvarnarbúnaði og önnur frávík eða slys tengd honum,
 - mengunaróhöpp og viðbrögð við þeim,
 - dagsetning tæmingar og magn efnis úr olíu- og fituskiljum ásamt staðfestingu flutningsaðila eða móttökustöðvar,
 - niðurstöður reglulegra mælinga sem framkvæmdar eru vegna mengunarvarna, s.s. vegna útblásturs og fráveitu.



- b. Magn og ástand hráefnis sem er í vinnslu hverju sinni, þ.m.t. niðurstöður skynmats, hitastig og TVN-gildi.
- c. Fjöldi kælitækja, tegund og magn kælimiðils, dagsetning áfyllingar, rýrnun, viðbrögð við mengunaróhöppum við kælitæki, eftirlit, viðhald og viðgerðir.
- d. Öryggisupplýsingar og leiðbeiningar um meðferð og notkun efna sem notuð eru á vinnustaðnum.
- e. Magn og tegund spilliefna og hættulegra efna sem skilað hefur verið til móttökustöðvar eða flutningsaðila og förgunar í samræmi við reglugerð um spilliefni nr. 810/1999.
- f. Magn og tegund úrgangs sem fluttur hefur verið til vinnslu, urðunar eða eyðingar á móttökustöð í samræmi við reglugerð nr. 737/2003 um meðhöndlun úrgangs m.s.br. og reglugerð nr. 1078/2015 um endurnýtingu úrgangs.

Ofangreindar upplýsingar skulu vera aðgengilegar eftirlitsaðila hvenær sem er.


- 5.2 Tilkynna skal eftirlitsaðila um öll meiriháttar frávik varðandi mengun ásamt öðrum þáttum er geta varðað umhverfis- og almannaeið.

6. ÝMIS ÁKVÆÐI, GILDISTAKA OG GJALDSKYLDA

- 6.1 Starfsleyfi þetta er veitt til **eins árs** í samræmi við 6. gr. laga nr. 7/1998 um hollustuhætti og mengunarvarnir og ákvæði reglugerðar nr. 550/2018 um losun frá atvinnurekstri og mengunarvarnareftirlit og öðlast gildi við birtingu.
- 6.2 Starfsleyfishafi greiðir árlegt eftirlitsgjald samkvæmt gjaldskrá Heilbrigðiseftirlits Suðurlands eins og hún er hverju sinni.

Selfossi 29. júní 2018,

F.h. Heilbrigðiseftirlits Suðurlands,


Sigrún Guðmundsdóttir,
framkvæmdastjóri



Selfossi, 29. júní 2018
1804088HS SHJ

Greinargerð með útgáfu tímabundins starfsleyfis fyrir Lýsi hf.

Heilbrigðisnefnd Suðurlands barst þann 27. apríl sl. umsókn Katrínar Pétursdóttur, kt. 230562-2109 f.h. Lýsis hf., kt. 440269-5089, um endurnýjun tímabundins starfsleyfis fyrir fiskþurrkun Lýsis hf. að Unubakka 24-26 og þökkun að Óseyrarbraut 22 í Þorlákshöfn.

Á fundi 186. fundi heilbrigðisnefndar Suðurlands þann 3. maí sl., ákvað nefndin að umsótt starfsleyfi fyrir fiskþurrkun Lýsis hf. í Þorlákshöfn yrði auglýst, en um er að ræða tímabundið leyfi, þar sem ný verksmiðja verður tekin í notkun innan næstu 12 mánaða. Jafnframt var ákveðið að starfsleyfi yrði gefið út að loknu lögbundnu auglýsinga- og kynningarferli, að því gefnu að ekki hafi borist athugasemdir við útgáfuna.

Við gerð tillögu að starfsleyfi fyrir fiskþurrkun Lýsis hf. var starfsleyfi verksmiðjunnar sem er í gildi til 30. júní nk., endurskoðað og uppfært m.t.t. þeirra reglugerðarbreytinga sem orðið hafa frá útgáfu þess. Var því auglýst tillaga að endurnýjuðu starfsleyfi efnislega samhljóða fyrra starfsleyfi, en nokkrar breytingar voru gerðar á uppsetningu og röðun greina í tiltekna kafla til að gera skilyrðin markvissari og skýrari.

Jafnframt var hafður til hliðsjónar samningur milli Lýsis hf. og Sveitarfélagsins Ölfus vegna útgáfu HSL á tímabundnu starfsleyfi fyrir fiskþurrkunarverksmiðju Lýsis í Þorlákshöfn, dags. 26. október 2016, en þar kemur m.a. fram í 5. mgr. 1. gr. að forsendur samningsins skulu ófrávíkjanlegar, skýrar, miða að bestu loftgæðum í Þorlákshöfn og vera tímasettar. Í 4. gr. segir að fiskþurrkunarstarfsemi skuli lögð niður eigi síðar en fyrir lok júní 2018, en ef framkvæmdir eru langt komnar en ekki lokið fyrir þann tíma, t.a.m. vegna veðurs eða skorts á mannafla, skuli veittur sanngjarn frestur til að ljúka framkvæmdum svo hægt sé að flytja starfsemina. Jafnframt segir í 5. gr. að:

Á þeim tíma sem fiskþurrkunarverksmiðjan að Unubakka 26 í Þorlákshöfn er starfandi verður heimilt að framleiða í henni úr allt að 40 tonnum af hráefni á sólarhring. Engin þurrkstarfsemi mun fara fram í verksmiðjunni í júlí og ágúst á starfstíma verksmiðjunnar.

Í ljósi ofangreinds er í starfsleyfisskilyrðum fyrir fiskþurrkunarverksmiðju Lýsis hf. að Unubakka 24-26 í Þorlákshöfn að finna annars vegar ákvæði um að vinnsla í verksmiðjunni megi að hámarki vera 40 tonn á sólarhring og hins vegar að engin



vinnsla skuli vera í verksmiðjunni í júlí og ágúst 2018 auk þess sem gildistími starfsleyfisins er ákveðinn eitt ár frá útgáfu þess.

Tillaga að starfsleyfi fyrir fiskþurrkun Lýsis hf. var auglýst í Dagskránni þann 30. maí sl. Var tillagan aðgengileg á vef Heilbrigðiseftirlits Suðurlands, www.hsl.is, og á skrifstofu Sveitarfélagsins Ölfus. Frestur til að gera athugasemdir var auglýstur fjórar vikur og rann hann út þann 27. júní sl.

Alls bárust 5 erindi með athugasemdum vegna ofangreindra starfsleyfisskilyrða innan gefins frests, þar af þrjú þar sem gerðar voru athugasemdir við að starfsleyfi verksmiðjunnar á núverandi stað yrði framlengt. Í einu erindi var sumarlokun mótmælt vegna ríkra viðskiptahagsmuna og í einu var lengd gildistíma starfsleyfisins mótmælt og þess krafist að hann yrði stytur.

Heilbrigðisnefnd Suðurlands fundaði í dag, 29. júní, um útgáfu starfsleyfis fyrir fiskþurrkun Lýsis hf. á núverandi stað verksmiðjunnar í Þorlákshöfn. Á fundinum var eftirfarandi bókað:

Starfsleyfi fyrir fiskþurrkunarverksmiðju Lýsis hf. að Unubakka 24-26 og pökkun að Óseyrarbraut 22 í Þorlákshöfn var auglýst þann 30. maí sl. og hafa starfsleyfisskilyrði legið frammi til kynningar og er lögbundinn frestur til athugasemda útrunnin. Heilbrigðisnefnd Suðurlands hefur farið yfir innkomnar athugasemdir og tekið þær til skoðunar. Verður starfsleyfið gefið út til eins árs með starfsleyfisskilyrðum eins og þau voru auglýst, þó með þeirri breytingu að leiðréttar voru tilvísanir í reglugerðir sem féllu úr gildi á meðan lögbundnum auglýsingatíma stóð í gr. 1.1, 1.3 og 6.1.

Vakin er athygli á því að samkvæmt 1. mgr. 65. gr. laga nr. 7/1998 um hollustuhætti og mengunarvarnir, er heimilt að vísa ákvörðun heilbrigðisnefndar í máli þessu til úrskurðarnefndar umhverfis- og auðlindamála. Um aðild, kærufrest, málsmeðferð og annað er varðar kæru til úrskurðarnefndar umhverfis- og auðlindamála fer skv. lögum nr. 130/2011 um úrskurðarnefnd umhverfis- og auðlindamála. Kæra til úrskurðarnefndarinnar frestar ekki réttaráhrifum ákvörðunarinnar, sbr. 5. gr. ofangreindra laga.

Frestur til að vísa málinu til úrskurðarnefndar umhverfis- og auðlindamála er einn mánuður frá því kæranda varð kunnugt eða mátti vera kunnugt um ákvörðunina. Kæra skal vera skrifleg og undirrituð. Hana skal senda að Skuggasundi 3, 101 Reykjavík.

F.h. Heilbrigðisnefndar Suðurlands,

Sigrún Guðmundsdóttir,
framkvæmdastjóri